



UNIVERSITÄTS-  
BIBLIOTHEK  
PADERBORN

**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus IV. De Mutuis Petitionibus.

---

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

## TITULUS IV.

*De Mutuis Petitionibus.*

## SUMMARIUM.

1. *Quid sint mutuae petitiones, & quid operentur.*
2. *Quilibet potest reconvenire suum Actorem.*
3. *An etiam Laicus Clericum coram Judice Laico.*
4. *In quibus causis procedat Reconventio.*

**I** **P**er mutuas petitiones intelligitur Conventio, quam instituit Actor adversus Reum, & Reconventio, quam Reus, viso libellō, vicissim instituit contra Actorem, ita ut mutuò à se aliquid petant, & iterque fiat simul Actor & Reus. Siquidem Reconventio (die Gegen-Klag) est actio contra Actorem instituta à Reo convento coram eodem Judice, & durante adhuc Judicio conventionis. Si proponatur reconventio statim initio litis, ante vel immediatè post litis contestationem, operatur duplē effectum, 1. simultatem Processus, ita ut utrāque causa simul ventilanda sit. c. 1. b. t. & ibi DD. ita tamen, ut de causa conventionis semper cognoscatur priùs, & pronuntietur, quām de causa reconventionis, ut pote posterius proposita; nisi nempe alterutra causa celeritatem exigeret ob periculum in mora. 2. prorogat jurisdictionem, seu Judicem, qui aliàs respectu Actoris non fuisset competens, facit

tit competentein, ita ut Actor coram eodem Judice teneatur respondere Reo, si hunc velit respondere sibi. c. 1. 2. b. t. l. 14. C. de Sent. & interlocut. Si verò proponatur primùm post alios actus Judiciales, solùm operatur prorogationem jurisdictionis, non simultatem Processūs.

Dico 1. Reconvenire quilibet Reus potest 2  
suum Auctorem, modò ut Actor aliàs standi in Ju-  
dicio capax sit. Communis ex l. 14. cit. & sub-  
juncta Auth. cùm æquitas suadeat, ut quis pa-  
tiatur eundem Judicem, ad quem traxit suum  
Adversarium: *quod quisque juris in alterum sta-  
tuit, eodem ipse utatur. Rubr. & l. 1. ff. quod quis-  
que juris.* Sed hinc

Quæres, an Laicus reconvenire possit Cleri- 3  
cum coram Judice Sæculari, coram quo conven-  
tus à Clerico? R. I. de Jure Scripto negativè.  
Ita communior; quia Jus Canonicum absolutè  
prohibet Clericos conveniri coram Judice Laico  
etiam in causa merè profana, tanquam à jurisdictione Sæculari exemptos, uti demonstratum in  
*Tit. de Foro Comp.* Sed reconventio est aliqua  
conventio & species conventionis: ergo & re-  
conventionem prohibet; ubi enim genus prohibi-  
etur, censetur & omnis ejus species prohibita.  
arg. l. 147. ff. de R. J. Nec minùs exercetur ju-  
risdictio à Laico in Clericum reconventum, quam  
in conventum. Objic. I. Si Clericus, conveniens  
Laicum coram Judice Laico, cadit causâ, con-  
demnatur à Judice Laico, etiam in expensas, si  
temerè litigavit: ergo Clericus, semel incipi-  
ens litigare per conventionem Laici coram Ju-  
dice Laico, quod à Jure ipsi permittitur, fit sub-

Z 2

ditus

ditus istius: ergo etiam Jus permittit ipsum re  
conveniri. 2. Reo permittitur omni Jure defen-  
sio contra Actorem: sed reconventio Clerici est  
defensio, qua utitur Reus Laicus contra Acto-  
rem Clericum: ergo. R. retorquendo utrumque:  
ergo Clericus etiam in causa criminali coram  
Laico reconveniri de Jure potest; quod fors nul-  
lus Catholicorum admittit. *In forma ad I. trans-*  
*missio Antec.* nam quoad condemnationem in  
expensas non malè negatur, quia puniretur Cle-  
ricus à Laico propter delictum: proin expense  
tali casu, quo temerè litigasset Clericus, peten-  
dæ forent à Judice Ecclesiastico. *N. Conf.* Illa  
condemnatio Clerici, causâ cadentis, non facit  
Clericum Judici Laïco subjectum, quia non est  
propriè condemnatio, positivè tendens in Cle-  
ricum, sed solum negativè, dum Judex ferendo  
contra ipsum sententiam solum declarat nihil ju-  
ris competere Clerico adverùs Laicum, & sic  
istum potius positivè & directè absolvit à debi-  
to, quam jurisdictionem positivam exercet in  
Clericum. Dein Jus Canonicum hoc ipso, quod  
permittat Clericum convenire Laicum coram Lai-  
co, permittit eum condemnari, & hoc pacto ju-  
risdictionem, si in hoc casu condemnatio esset  
exercitium jurisdictionis, indulget, non verò per-  
mittit ullibi reconventionem Clerici coram Laico,  
sed potius prohibet, prohibendo absolute & in-  
distinctè illius conventionem coram Laico. Ad  
2. *diss. Min.* reconventio Clerici in causa conne-  
xa cum principaliter est defensio. *C. Min.* & hinc  
in causa connexa admitto reconventionem Clerici  
ut nū Clericus conveniat Laicum super debito actio

ne

nē mutui, Laicus vero reconveniat eundem super debito actione venditi: vel si Clericus Laicum conveniat ex empto, iste verò illum de evictione. Ratio, quia reconventio in causa connexa habet rationem exceptionis, adeoque quasi defensionis naturalis, sicut aliæ allegationes Rei; proin potius per modum exceptionis, quām actionis, proponitur reconventio. In causa non-connexa. *N. Min. & Conf.*

Nihilominus tamen. *R. 2.* spectato Jure Consuetudinario affirmativè, propter communem sensum DD. vi cuius Clericum reconveniri in causa etiam non connexa coram Laico posse, & solere, plurimi imò plerique testantur, & vix aliquis negare audet. In Bavaria tamen, ubi nec Laicos patriotas licet reconvenire in causa non connexa secundūm Statuta Gerichts-Ordnung tit. 6. art. 1. talem consuetudinem reconveniendi Clericos non dari existimo. *Objic.* 1. Nulla sustinetur consuetudo contra Immunitatem Ecclesiasticam. *Bulla Cœnæ casu 15.* sed consuetudo reconveniendi Clericos coram Laico adversatur Immunitati Ecclesiasticae. 2. Reconventio fundatur in prorogatione jurisdictionis: sed Clerici nequeunt Laicis prorogare jurisdictionem in se. *R. ad 1. dist. Ma.* si consuetudo non habeat consensus Pontificis vel tacitum vel legalem. *C. Ma.* si habeat, ut̄ ista. *N. Ma.* Pontifex scit hanc consuetudinem, & specialiter non reclamat. Ad 2. dist. *Ma.* iterum: fundatur in prorogatione ex voluntate Juris, & Legislatoris. *C. Ma.* ex voluntate litigantium. *N. Ma.* Non Clerici ex suo consensu, sed Pontifex approbans consuetudinem

reconveniendi Clericos tribuit pro hoc particu-  
lari casu jurisdictionem Judici Laico.

**4** Dico 2. Reconventioni locus est regulariter  
in omnibus causis. *I. i. ff. de extraord. cognit. s.  
ult. Clem. 2. de V.S. & DD.* communiter. Exci-  
piuntur tamen I. causæ, à jurisdictione Judicis,  
coram quo facta est conventio, exemptæ, uti  
causæ spirituales respectu Judicis Laici. 2. omnes  
causæ executivæ, quæ nimurum paratam habent  
executionem, & celeritatem Judicis exigunt, uti  
si debitum est liquidum, vel confessatum, si agi-  
tur super deposito, commodato, spolio &c.

## TITULUS V.

### *De Litis Contestatione.*

#### SUMMARIUM.

1. *In quo consistat Litis contestatio.*
2. *An sit necessaria.*
3. *Quis ejus effectus.*

**I** **C**ontestatio Litis (Verfahrung des Rechts,  
vel: Rechts-Befestigung) est consti-  
tutio Judici facta per petitionem unius  
& contradictionem alterius cum animo litigandi.  
Fit ergo per petitionem Actoris, & congruam  
responsionem Rei in Judicio, quibus declarant  
& contestant voluntatem litigandi: quæ tria  
necessariò concurrere debent, non tamen simul-  
tate physica, sed sufficit moralis: nec absolu-  
tè necessaria sunt verba & scriptura secundùm sty-  
lum Curiæ concepta, sed etiam factum, quo de-  
clarata.